

ՄԱԿ - Ի ԳԼԽԱՎՈՐ ԱՍԱՄԲԼԵԱՅԻ ԳԱԳԱԹԱԺՈՐԿ

ԻՐԱԿԼԻ ՂԱՐԻԲԱՇՎԻԼԻ. «ՎՐԱՍՏԱՆԻ ԷԿՈՆՈՄԻԿԱՆ ԱՇԽԱՐՀՈՒՄ ԱՄԵՆԱՐԱԳ ԶԱՐԳԱՅՈՂ ՏՆՏԵՍՈՒԹՅՈՒՆՆԵՐԻՑ ՄԵԿՆ Է»

Սեպտեմբերի 18-ին, Վրաստանի վարչապետ Իրակլի Դարիբաշվիլին, Նյու Յորքում, Միավորված Ազգերի կազմակերպության գլխավոր ասամբլեայի 78-րդ նստաշրջանի շրջանակներում, մասնակցեց Կայուն զարգացման նպատակների գագաթաժողովի բացմանը, որը չորս տարին մեկ անցկացվում է պետությունների և կառավարությունների ղեկավարների մակարդակով՝ ՄԱԿ-ի Գլխավոր ասամբլեայի հովանու ներքո:



(Շարունակությունը՝ 2-րդ էջում)

Գագաթաժողովը բացել են ՄԱԿ-ի Գլխավոր ասամբլեայի նախագահ Դենիս Ֆրենսիսը և ՄԱԿ-ի գլխավոր քարտուղար Անտոնիո Գուտերեշը:

Ինտեգրված քաղաքականության և հանրային հաստատությունների կայուն զարգացումը նպատակներին հասցնելու համար,

ՎՐԱՍՏԱՆԻ ՎԱՐՉԱՊԵՏԻ ՀԱՆԳԻՊՈՒՄՆԵՐԸ՝ ՄԱԿ-Ի ԳԼԽԱՎՈՐ ԱՍԱՄԲԼԵԱՅԻ 78-ՐԴ ՆՏԱՇՐՋԱՆԻ ՇՐՋԱՆԱԿՆԵՐՈՒՄ

Վրաստանի վարչապետ Իրակլի Դարիբաշվիլին Նյու Յորքում, ՄԱԿ-ի Գլխավոր ասամբլեայի շրջանակներում, անցկացրեց մի շարք հանդիպումներ:

Մասնավորապես, Վրաստանի վարչապետը հանդիպումներ ունեցավ ՄԱԿ-ի գլխավոր քարտուղար Անտոնիո Գուտերեշի, Թուրքիայի նախագահ Ռեջեփ Թայյիփ Էրդողանի, Գերմանիայի կանցլեր Օլաֆ Շոլցի, Եվրախորհրդի նախագահ Շառլ

Միշելի, ԱՄՆ նախագահի ազգային անվտանգության հարցերով խորհրդական Ջեյք Սալիվանի, Շվեդիայի, Էստոնիայի նախագահների հետ:

(Շարունակությունը՝ 2-րդ էջում)

ԿԱՌԱՎԱՐՈՒԹՅՈՒՆ

ՈՒՍԱՆՈՂՆԵՐԻ ՈՒՍՄԱՆ ՎԱՐՉԻ ՊԱՐՏՔԵՐԻ ԶՐՈՅԱՅՈՒՄԸ ՀՆԱՐԱՎՈՐ ԳԱՐՉԱՎ ԲՅՈՒՋԵԻ 500 ՄԻԼԻՈՆ ԼԱՐԻՈՎ ԱՎԵԼԱՅՄԱՆ ՇՆՈՐՀԻՎ

Վրաստանի վարչապետ Իրակլի Դարիբաշվիլին, երկրի կառավարության միատուն, հայտարարեց, որ Վրաստանի տարեկան բյուջեն ավելանում է ռեկորդային գումարով՝ 500 միլիոն լարիով: Վարչապետի հավաստմամբ՝ դա պայմանավորված է երկրի տնտեսական անմախքնաբաց աճով:



Վարչապետի խոսքով՝ բյուջեի ավելացումը թույլ է տալիս ավելացնել կարելու գերատեսչությունների ֆինանսավորումը: Մասնավորապես, Իրակլի Դարիբաշվիլին առանձնացրեց տարածաշրջանային զարգացման և ենթակառուցվածքի (20 միլիոն լարի), կրթության և գիտության (47 միլիոն լարի), մշակույթի, սպորտի և երիտասարդության (34 միլիոն լարի) նախարարությունները:

Վարչապետի խոսքով՝ 100 միլիոն լարիով կնվազեցվի երկրի պետական պարտքը:

Կառավարության միատուն Իրակլի Դարիբաշվիլին հանդես եկավ նոր նախաձեռնությամբ, ըստ

(Շարունակությունը՝ 3-րդ էջում)

ՎՐԱՍՏԱՆԻ ՊԵՏԱԿԱՆ ԱՆՎՏԱՆԳՈՒԹՅԱՆ ԾԱՌԱՅՈՒԹՅԱՆ ՀԱՅՏԱՐԱՐՈՒԹՅՈՒՆ

ԵՐԿՐԻ ՏԱՐԱԾՔՈՒՄ ԵՎ ՆՐԱ ՍԱՀՄԱՆՆԵՐԻՑ ԴՈՒՐՍ ԳՈՐԾՈՂ ԱՆՁԱՆՑ ԽՈՒՄԲԸ ԾՐԱԳՐՈՒՄ Է ԻՇԽԱՆՈՒԹՅԱՆ ԲՈՆԻ ՓՈՓՈԽՈՒԹՅՈՒՆ

Սեպտեմբերի 18-ին, Վրաստանի պետական անվտանգության ծառայության (ՊԱԾ) հակաահաբեկչական կենտրոնի փոխտնօրեն Բաջա Սգելաձեն հանդես եկավ հատուկ հայտարարությամբ, ըստ որի՝ Վրաստանում հոկտեմբեր-դեկտեմբեր ամիսներին քաղաքացիական անկարգություններ են ծրագրվում, որոնց նպատակը բռնության միջոցով իշխանություն փոխելն է:

«Պետական անվտանգության և քաղաքացիների խաղաղ գոյակցության շահերից ելնելով՝ տեղեկացնում ենք հանրությանը, որ, Պետական անվտանգության ծառայությունում ընթացող հետաքննության շրջանակներում ստացված տե-

ղեկավարության համաձայն՝ Վրաստանի տարածքում գործող անձանց որոշակի խումբ ծրագրում է այս տարվա հոկտեմբեր-դեկտեմբերին Վրաստանում կազմակերպել ապակայունացում և քա-

(Շարունակությունը՝ 4-րդ էջում)

ՀԱՅԱՍՏԱՆ

ՎՃՈՎԱՆ «ԱՅՈՒ»՝ ՀԱՅԱՍՏԱՆԻ ԱՆԿԱՏՈՒԹՅԱՆԸ

Սեպտեմբերի 21-ին Հայաստանի երրորդ Հանրապետությունը նշեց անկախության 32-րդ տարեդարձը:

32 տարի առաջ հայ ժողովուրդը հանրաքվեի միջոցով իր վճռական «Այո»-ն ասաց Հայաստանի անկախությանը: Հայաստանի չափահաս բնակչության 95 տոկոսի մասնակցության պարագայում ընտրողների 99,5 տոկոսը՝ «Համաձայն» էք, որ Հայաստանի Հանրապետությունը լինի ժողովրդավարական անկախ պետություն՝ ԽՍՀՄ կազմից դուրս» հարցին դրական պատասխան տվեց:



Երկու օր անց՝ սեպտեմբերի 23-ին, երկրի Գերագույն խորհուրդը Հայաստանը հռչակեց անկախ, ինքնիշխան հանրապետություն: Նորանկախ Հայաստանի հռչակմամբ՝ սկիզբ դրվեց Հայաստանի երրորդ Հանրապետության պատմությանը:

24 - ԺԱՄՅԱ ՊԱՏԵՐԱԶՄ

ԼԵՈՆԱՅԻՆ ՂԱՐԱՔԱՂՈՒՄ ԿՐԱԿԸ ԴՍԿԱՐԵՑՎԵՑ...

ԼՂ-ի ԻՇԽԱՆՈՒԹՅՈՒՆՆԵՐԸ ԸՆԴՈՒՄԵՑԻՆ ՀՐԱԳԱՂԱՐԻ ՄԱՍԻՆ ՌՈՒՄ ԽԱՂԱՂԱՊԱՅՆԵՐԻ ԱՌԱՋԱՐԿՈՒԹՅՈՒՆԸ

Սեպտեմբերի 19-ին, ժամը 13:00-ի սահմաններում, Ադրբեջանի զինված ուժերը սկսեցին Լեռնային Ղարաբաղի ամբողջ տարածքի հրետակոծությունը, որոշ ժամանակ անց սկսվեց նաև գործողություն ողջ շփման գծով:

Թվով երրորդ ղարաբաղյան պատերազմը տեւեց մեկ օր և չնայած Արցախի պաշտպանության բանակի համառ դիմադրությանը (հակառակորդի գերազանցությունը տասնապատիկ ավելի էր), ադրբեջանական զինված ուժերը ճեղքեցին պաշտպանական դիրքերը: Միաժամանակ ինտենսիվ հրետանակոծության և ռմբակոծության ենթարկեցին բնակավայրերը, մայրաքաղաք Ստեփանակերտը:

Լեռնային Ղարաբաղի դեմ Ադրբեջանի ռազմական ագրեսիայի հետևանքով կա առնվազն 200 զոհ և ավելի քան 400 վիրավոր: 20հվածների թվում են 10 քաղաքացիական անձինք, որոնցից 5-ը երեխա է, 40 վիրավոր, որոն-

ցից 13-ը երեխա է: Ադրբեջանական լրատվամիջոցները հայտնել են զոհված 80 զինծառայողի մասին: Չնիվել է նաև 6 ռուս խաղաղապահ:

Սեպտեմբերի 20-ի կեսօրին, Արցախի իշխանությունները ընդունեցին հրադադարի մասին ռուս խաղաղապահների առաջարկությունը: Ռուս խաղաղապահների ակտիվ մասնակցությամբ ձեռք է բերվել համաձայնություն՝ Լեռնային Ղարաբաղում ռազմական գործողությունների ամբողջական դադարեցման և սեպտեմբերի 21-ին Բաքվի ու Ստեփանակերտի ներկայացուցիչների միջև բանակցությունների անցկացման վերաբերյալ:

(Շարունակությունը՝ 7-րդ էջում)

ՄԻԶԱԳԱՅԻՆ ՀԱՆՐՈՒԹՅՈՒՆԸ ԴՍԱՊԱՐՏՈՒՄ Է...

Սեպտեմբերի 21-ին, Նյու Յորքում ՄԱԿ-ի Անվտանգության խորհրդում տեղի ունեցավ Լեռնային Ղարաբաղի հարցով քննարկումը:

Ելույթներով հանդես եկան Հայաստանի, Ֆրանսիայի, Մեծ Բրիտանիայի, Չինաստանի, Բրազիլիայի, Եվրագործի, Ալբանիայի, Ռուսաստանի, Թուրքիայի, Ադրբեջանի և տարբեր երկրների ներկայացուցիչները, ինչպես նաև՝ Եվրամիության բարձր ներկայացուցիչը:

Գրեթե բոլոր բանախոսները դատապարտեցին Լեռնային Ղարաբաղի վրա Ադրբեջանի վերջին հարձակումը և կոչ արեցին բացել Լաչինի միջանցքը:

Նրանք ի գիտություն ընդունեցին հրադադարի մասին հաղորդագրությունը և, ընդհանուր առմամբ, ողջունեցին Եվրամիության Ադրբեջանի պաշտոնյաների և Լեռնային Ղարաբաղի հայության ներկայացուցիչների առաջին համադիպման փաստը:



Նրանք ի գիտություն ընդունեցին հրադադարի մասին հաղորդագրությունը և, ընդհանուր առմամբ, ողջունեցին Եվրամիության Ադրբեջանի պաշտոնյաների և Լեռնային Ղարաբաղի հայության ներկայացուցիչների առաջին համադիպման փաստը:

(Շարունակությունը՝ 7-րդ էջում)

ՄԱԿ - Ի ԳԼԽԱՎՈՐ ԱՍԱՄԲԼԵԱՅԻ ԳԱԳԱԹԱԺՈՂՈՎ

ԻՐԱԿԼԻ ՂԱՐԻԲԱՇՎԻԼԻ. «ՎՐԱՍՏԱՆԻ ԷԿՈՆՈՄԻԿԱՆ ԱՇԽԱՐՀՈՒՄ ԱՄԵՆԱՐԱԳ ԶԱՐԳԱՅՈՂ ՏՆՏԵՍՈՒԹՅՈՒՆՆԵՐԻՑՑ ՄԵԿՆ Ե՝

(Սկիզբը՝ 1-ին էջում)

երկխոսության ձևաչափով, քննարկմանը Վրաստանի վարչապետ Իրակլի Դարիբաշվիլին նշեց, որ Վրաստանն աշխարհի ամենաարագ զարգացող տնտեսություններից մեկն է:

Նրա խոսքով՝ 2021 և 2022 թվականներին արձանագրվել է երկնիչ տնտեսական աճ, աճը դեռ բարձր է, իսկ 2023 թվականի հունվար-հունիսին գրանցվել է 7,2 տոկոս:

Մեր կառավարությունն ավելի է կատարելագործել 2021 թվականի Տեղայնացման ծրագիրը՝ Կայուն զարգացման նպատակներն առանցքային մակարդակում ինտեգրելու համար: Ներկայումս պլանի միջոցով Վրաստանի 64 մունիցիպալիտետներից 32-ը մասնակցում են կայուն զարգացման նպատակների իրականացմանը: Մինչև 2025 թվականը բոլոր մունիցիպալիտետները կներգրավվեն այս գործընթացում:

վեն այս գործընթացում:

Այս տեղայնացված ջանքերը համահունչ են մեր կողմից մշակված «Տեսլական 2030. Վրաստանի զարգացման ռազմավարություն» կառավարական փաստաթղթին, որը նախանշում է ազգային զարգացման հիմնական առաջնահերթությունները՝ ՄԱԿ-ի Կայուն զարգացման օրակարգին համապատասխան:

Միաժամանակ մեր կառավարությունը փորձում է զարգացնել համակարգման կարողություններ ու թափանցիկության մեխանիզմներ: Այդ նպատակով մենք ստեղծել ենք ՄԱԿ-ի Կայուն զարգացման նպատակների ազգային օրակարգի և Կայուն զարգացման նպատակների իրական ժամանակակից թարմացումների մոնիտորինգի համակարգ:

Մեր նշանակալի ձեռքբերումները Վրաստանը դարձնում են բիզնեսի և ֆինանսների համաշխարհային կենտրոն: Վրաստանն աշխարհի ամենաարագ զարգացող տնտեսություններից մեկն է: Երկնիչ տնտեսական աճ է գրանցվել 2021 և 2022 թվականներին: 2023 թվականի հունվար-հունիսին գրանցվել է բարձր աճ՝ 7,2 տոկոս:

Սա ցուցում է: Երկնիչ տնտեսական աճ է գրանցվել 2021 և 2022 թվականներին: 2023 թվականի հունվար-հունիսին գրանցվել է բարձր աճ՝ 7,2 տոկոս:

Վրաստանի՝ որպես 2030 թվականի օրակարգով առաջ տանող պատասխանատու գլոբալ խաղացողի դիրքն արտացոլված է նրա բազմաթիվ ոլորտային քաղաքականություններում, որոնք ուղղված են աղքատության նվազեցմանը, սոցիալական ներառմանը, կրթության հասանելիության բարելավմանը, վերականգնվող էներգիայի ուղղության զարգացմանը և էկոլոգիապես մաքուր զբոսաշրջության պրակտիկաների ներդրմանը,- ասաց Վրաստանի վարչապետը:

Նշենք, որ ՄԱԿ-ի **Գլխավոր ասամբլեայի 78-րդ նստաշրջանի լիագումար նիստում Վրաստանի վարչապետը հանդես կգա սեպտեմբերի 22-ին, տեղական ժամանակով ժամը 17:00-ին, քբիլիսյան ժամանակով ժամը 01:00-ին:**

ՎՐԱՍՏԱՆԻ ՎԱՐՉԱՊԵՏԻ ԶԱՆԴԴՈՒՄՆԵՐԸ՝ ՄԱԿ-Ի ԳԼԽԱՎՈՐ ԱՍԱՄԲԼԵԱՅԻ 78-ՐԴ ՆԱՏԱՇՐՋԱՆԻ ՇՐՋԱՆԱԿՆԵՐՈՒՄ

(Սկիզբը՝ 1-ին էջում)

Քննարկված հարցերի թվում էին աշխարհում անվտանգության միջավայրն ու մարտահրավերները, Եվրամիությանը անդամակցության ուղղությամբ Վրաստանում իրականացված բարեփոխումներն ու Եվրահանձնաժողովի 12 հանձնարարականների կատարման գործընթացը, Վրաստանի բռնազավթված տարածքներում անվտանգության և մարդասիրական ծանր իրավիճակը:

Այս գլխավոր շրջանակներում, Վրաստանի վարչապետ Իրակլի Դարիբաշվիլին մասնակցեց Ամերիկայի Միացյալ Նահանգների նախագահ Ջոզեֆ Բայդենի և նրա կնոջ՝ Ջիլ Բայդենի անունից համաշխարհային առաջընթացների պատվին կազմակերպված ընդունելությանը:



ՖԻՆԱՆՍԱԿԱՆ ՈԼՈՐՏ

ԱԶԳԱՅԻՆ ԲԱՆԿԻ ՆՈՐ ԿԱՐԳԱՎՈՐՈՒՄԸ՝ ԼՈՒՐՋ ԴԻՄԱԿԱՅՈՒԹՅԱՆ ՊԱՏՃԱՌ ԶՐԱԺԱՐԱԿԱՆՆԵՐԻ ՇԱՐՄԱՆ՝ ԱԶԳԱՅԻՆ ԲԱՆԿՈՒՄ



Սեպտեմբերի 20-ին Վրաստանի Ազգային բանկի նախագահի պաշտոնակատար Նաթիա Թուրնալան հանդես եկավ հայտարարությամբ, ըստ որի՝ «Վրաստանի Ազգային բանկը, առաջնորդվելով Վրաստանի սահմանադրությամբ և անմեղության սկզբունքով, կարծում է, որ Վրաստանի քաղաքացու նկատմամբ միջազգային պատժամիջոցներ չեն կարող կիրառվել, քանի որ նրա նկատմամբ վրացական դատարանում համապատասխան գործով մեղադրական դատավճիռ չի կայացվել»: Ի դեպ, փոփոխությունը սեպտեմբերի 19-ին հրապարակվել է Օրենսդրական տեղեկագրում:

Այն բանից հետո, երբ Ազգային բանկը փոփոխություն կատարեց պատժամիջոցների ռեժիմի կատարման կանոններում, Ազգային բանկի երկու փոխնախագահներ և խորհրդի անդամներ՝ Պապուկա Լեծավան, Նիկոլոզ Գագուան և Արչիլ Մեսսիլիիշվիլին հրաժարական տվեցին իրենց պաշտոններից: Ազգային բանկի նախագահի խորհրդակցական պաշտոնից հրաժարական տվեց նաև Գորգո Բաբրադեն: Ազգային բանկի նախագահի պաշտոնակատարի որոշումը՝ բացասական ընկալվեց նաև ԱՄՆ-ի պետդեսպարտամենտի կողմից:

Նշենք, որ Ազգային բանկը փոփոխությունը բացատրում է նրանով, որ Վրաստանի նախկին գլխավոր դատախազ, այժմ՝ օլիգարխ, գործարար Օթար Փարցխալաձեի դեմ ԱՄՆ-ի սահմանափակված պատժամիջոցները առաջին նախադեպն են, երբ այն վերաբերում է Վրաստանի քաղաքացուն, ուստի, նոր կարգի համաձայն, դրանք պատժամիջոցների ենթարկված Վրաստանի քաղաքացիների նկատմամբ ուժի մեջ կմտնեն, եթե դատարանը որոշում կայացնի նրանց դեմ:

Ավելացնենք, որ սեպտեմբերի 20-ին Պետական ծառայությունների զարգացման գործակալությունը նպատակահարմար է համարել՝ Օթար Փարցխալաձեին Վրաստանի քաղաքացիությունից զրկելը, և համապատասխան հայտով դիմել երկրի նախագահին:

Սալուձե Ջուրաբիշվիլու կողմից հայտի բավարարման դեպքում, Ազգային բանկի վերոնշյալ որոշումը ոչ մի առնչություն չի ունենա Օթար Փարցխալաձեի հետ:

Վրաստանի ֆինանսական ոլորտի գործունեության հնարավոր արգելափակումների կանխման նպատակով՝ Վրաստանի խորհրդարանը սեպտեմբերի 21-ին Ազգային բանկի խորհրդի անդամներ ընտրեց Նանա Դեմիշվիլուն և Թեմոնրազ Խոմեռիկին՝ նախագահի առաջարկությամբ:

ՄԻՍՍՆ ԿԻԼԱԶԵ

ՍՈՑԻԱԿԱԿԱՆ

ՎՐԱՍՏԱՆՈՒՄ ՎԱՌԵԼԱՆՅՈՒԹԻ ՆՈՐ ԹԱՆԿԱՑՈՒՄԸ ԶԻ ԲԱՑԱՌՎՈՒՄ



Վրաստանի նավթամթերքների ներկրողների միության նախագահ Վախթանգ Իրաշվիլու հայտարարությամբ, Վրաստանում առաջիկայում էլ վառելիքի բանկացում է սպասվում և մոտ սպագայում վառելիքի գինը կբարձրանա 10 քեթրիով՝ Ռուսաստանն արգելել է բենզոլի և դիզելային վառելանյութի արտահանումը:

Երկրներից, հատկապես՝ Ֆինլանդիայից ու Բուլղարիայից, բնականաբար, եվրոպական երկրներում ավելի թանկ է, - նշել է Վախթանգ Իրաշվիլին:

Հիշեցնենք, որ Վրաստանի ցանցային լցակայաններում բենզոլը մայիսից թանկացել է մոտ 70 քեթրիով:

Նշենք, որ սեպտեմբերի 21-ից Ռուսաստանի կառավարությունն արգելել է ավտոմոբիլային բենզոլի և դիզելային վառելիքի արտահանումը, արգելքը տարածվում է նաև Վրաստանի վրա: Ի դեպ, Ռուսաստանի կառավարության որոշման համաձայն, մի քանի բացառություններ կան: Այդ թվում՝ արգելքը չի տարածվի Վրաստանից չվերահսկվող Արխաղայի և Գարաբախի Օսեթիայի դե-ֆակտո հանրապետությունների վրա: Արգելքի ժամկետները չեն նշվում: Մեր տվյալներով, այս տարի Վրաստանի բենզոլի և դիզելային վառելիքի ներկրման մեջ Ռուսաստանի մասնաբաժինը գերազանցել է 80 տոկոսը:

ԱՐԵՎԻԿԱ ՄԱՆՈՒԿՅԱՆ



ԵՎՐԱՍԻՈՒԹՅՈՒՆ ՈՒԿՐԱԻՆԱԿԱՆ ԳՅՈՒՂՄԹԵՐՔՆԵՐԻ ԱՐՏԱՀԱՆՄԱՆ ԱՐԳԵԼՔԸ ԶԻ ԵՐԿՐԱՐԱԶԳԵԼ

Եվրահանձնաժողովը չի երկարած գել սեպտեմբերի 15-ից հետո ուկրաինական գյուղմթերքի արտահանման վրա դրված արգելքը:

Նշենք, որ Եվրահանձնաժողովը մայիսի 2-ին արգելք է սահմանել ուկրաինական գյուղատնտեսական ապրանքների որոշ տեսակների արտահանման վրա:

ԼԻԲԻԱ
12 ՀԱԶԱՐ ԶՈՉԱԾ, 20 ՀԱԶԱՐ ԱՆՆԵՍ ԿՈՐԱԾ, 800 ՀԱԶԱՐ ՏՈՒՄԱԾ

Ինչպես հաղորդել ենք մայրոք համարում, Միջերկրական «Դանիել» փոթորիկի հետևանքով Լիբիայում գոհվել է ավելի քան 12 հազար մարդ, 20 հազարը համարվում է անհետ կորած: Ընդհանուր առմամբ, ջրհեղեղներից տուժել է 800 հազար մարդ: «Կարմիր խաչ» և «Կարմիր մահակ» ընկերությունների միջազգային ֆեդերացիայի տվյալներով՝ այս թիվը Լիբիայի բնակչության մոտ 11 տոկոսն է: Փլատակների տակ որոնող փրկարարական խմբերը շարունակում են գործողությունը: Լիբիայի Հիվանդությունների վերահսկման ազգային կենտրոնը հայտարարել է, որ ջրհեղեղից տուժած շրջաններում մեկ տարով արտակարգ դրություն է հայտարարվել:

ԹՈՒՐԻԱ
ԷՐՈՂԱՆ. «ԵՎՐԱՍԻՈՒԹՅԱՆ ՀԵՏ ՄԵՐ ՈՒՐԻՆԵՐԸ ԿԲԱԺԱՆՎԵՆ»

Ինչպես հայտարարել է Թուրքիայի նախագահ Ռեջեփ Թայիպ Էրդողանը՝ Թուրքիայի և Եվրամիության ուղիները հնարավոր է բաժանվեն: Որպես պատճառ, Էրդողանը նշել է Եվրամիության կողմից ընդունած հանրազանաբար փաստաթուղթը, որտեղ նշվել էին Թուրքիայի ժողովրդավարության անկման փաստերը:

ՆԱՏՕ
ԵՆՍ ՍՏՈՆՏԵՆԲԵՐԳ. «ՄԵՆՔ ԵՐԿՐԱՐԱԺԱՄԿԵՏ ՊԱՏԵՐԱԶՄԻ ՀԱՍԱՐ ՊԵՏՔ Ե՝ ՊԱՏՐԱՍԿԵՆՔ»

ՆԱՏՕ-ի գլխավոր քարտուղար Յենս Ստոլտենբերգը հայտարարել է, որ ռուս-ուկրաինական պատերազմը երկարատև կլինի:

Նշենք, որ Ուկրաինայի նախագահ Վլադիմիր Զելենսկին ևս՝ որպես պատերազմի դադարեցման գործոն համարում է Ուկրաինայի բոլոր տարածքների ազատագրումը ռուսական զորքերից:

ՀՆԴԿԱՍՏԱՆ - ԿԱՆԱԴԱ
ԴԵՍՊԱՆՆԵՐԻ ՓՈՒՆԱԴԱՐՉ ԱՐՏԱՔՄՈՒՄ

Օտտավայի և Նյու Դելիի միջև դիվանագիտական սկանդալ է առաջացել այն բանից հետո, երբ Կանադայի վարչապետ Ջասթին թրյուդոն հայտարարել է, թե Հնդկաստանի իշխանությունները կարող են ներգրավված լինել երկրում սիկհերի առաջնորդի սպանության մեջ: Թրյուդոյի այս հայտարարությունից հետո՝ երկու երկրներն արտաքսել են միմյանց դեսպաններին:

Նշենք, որ սիկհերի առաջնորդ Սինգհ Նիջարը սպանվել էր հունիսի 18-ին, Կանադայի Բրիտանական Կոլումբիա նահանգում՝ սիկհական տաճարի դիմաց, երկու դիմակավորված անձանց կողմից: Նրա սպանությունը մեծ զայրույթ է առաջացրել Կանադայում սիկհերի համայնքի շրջանում, որը Հնդկաստանի սահմաններից դուրս գտնվող սիկհերի ամենամեծ համայնքն է՝ 770 000 անդամներով:

Շաբաթից շաբաթ. Փաստեր եւ իրադարձություններ


ՀԱՂՈՐԳՈՒՄ ԵՆ «ՎՐԱՍԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ԿԱՌԱՎԱՐՈՒԹՅՈՒՆ

ՈՒՍԱՆՈՂՆԵՐԻ ՈՒՍԱՆ ՎԱՐՉԻ ՊԱՐՏԷՐԻ ԶՐՈՅԱՅՈՒՄԸ ՀՆԱՐԱՎՈՐ ԴԱՐՉԱԿ ԲՅՈՒՋԵԻ 500 ՄԻԼԻՈՆ ԼԱՐԻՈՎ ԱՎԵԼԱՅՄԱՆ ԸՆՈՐԶԻՎ

(Սկիզբը՝ 1-ին էջում)
որի՝ ուսանողների պարտքը, որոնց կարգավիճակը դադարեցվել է ֆինանսական պարտքի պատճառով, կգրույացվի, ներկա դրությամբ մոտ 30 հազար ուսանող ունի 40 միլիոն լարի պարտք:

- Ուզում եմ անդրադառնալ բոլորին հուզող մեկ խնդրի՝ «կասեցված կարգավիճակ» ունեցող ուսանողների հարցին: Դեռևս պարտքով եմ այդ հարցով, մանրամասն տեղեկություններ ստացա կրթության նախարարից: Մոտ 30 հազար ուսանողի կարգավիճակ կասեցված է ֆինանսական պարտքի պատճառով: Ուստի, իմ որոշմամբ, կվերականգնվի բոլոր այն ուսանողների կարգավիճակը, որոնց ուսուցումը կասեցվել է ֆինանսական պարտքերի պատճառով: Սա մոտավորապես 40 միլիոն լարի պարտք է, ընդօժեց էրակլի Դարիբաշվիլին:



ՆԱԽԱԳԱՐԱԿԱՆ ՆԵՐՈՒՄ՝ 9 ԴԱՏԱՊԱՐՏԱԼԻ

Սեպտեմբերի 12-ին Վրաստանի նախագահ Սալոմե Ջուրաբիշվիլին ներում է շնորհել ինը դատապարտյալի:
Հինգ դատապարտյալ ամբողջությամբ ազատվել են քրեակատարողական հաստատությունից, իսկ չորսի համար պատժի ժամկետը կրճատվել է:
Ազատված դատապարտյալներից երկուսը կին դատապարտյալ է:

ԽՈՐՀՐԴԱՐԱՆ

«ԱՊՈԼԻԳԱՐԻՏԱՑՄԱՆ ՄԱՍԻՆ» ՕՐԻՆԱԳԻԾԸ ՏԱՊԱԼՎԵՑ



Սեպտեմբերի 19-ին, երրորդ ընթերցմամբ, Վրաստանի խորհրդարանը քննարկեց «Ապաօլիգարիտացման մասին» օրինագիծը եւ տապալեց քվեարկությունը:

Իշխող թիվը հայտարարեց, որ ապաօլիգարիտացման վերաբերյալ առանձին օրենք ընդունելու անհրաժեշտություն չկա եւ օրենսդիր մարմինն այլևս չի ընդունի նմանատիպ օրենք, քանի որ Եվրամիության այս պահանջը հանվել է:

Բացի այդ, «Վրացական երազանք» նշեց, որ ապաօլիգարիտացման գործողությունների ծրագրի նախագիծը, մինչև չաբաթվա վերջ, կուղարկվի Վենետիկի հանձնաժողովը:
Ինչպես նշեց «Վրացական երազանք» կուսակցության նախագահ Իրակլի Կոբախիձեն, ապաօլիգարիտացման գործողությունների ծրագրի նախագիծը նախ կուղարկվի Վենետիկի հանձնաժողովը, իսկ եզրակացությունից հետո կառավարությունը կշարունակի աշխատանքը:
- Ապաօլիգարիտացման մասին» օրենքը չպետք է ընդունվի անձնավորված մոտեցմամբ, քանի որ 12 առաջնահերթություններում պարունակվող արձանագրությունն ինքնին ենթադրում է անձնավորված մոտեցում: Այսպիսի անձնավորված մոտեցում է, որ չարաշահվել է ինչպես երկրի ներսում գտնվող ընդդիմության, այնպես էլ՝ կոնկրետ Եվրախորհրդարանի պատգամավորների եւ այլ արտասահմանյան քաղաքական գործիչների կողմից, որոնք կապված են երկրի արմատական ընդդիմության հետ: Լավ կլիներ, որ Եվրահանձնաժողովն ինքը հրաժարվեր այս անձնավորված մոտեցումից, - ասաց Իրակլի Կոբախիձեն:

ՍԱՀՄԱՆԱԴՐԱԿԱՆ

ՎՐԱՍԱՆԻ ՆԱԽԱԳԱՐԻ ԻՄՓԻԶՄԵՆՏԻ ՀԱՐՑԸ՝ ՍԱՀՄԱՆԱԴՐԱԿԱՆ ԴԱՏԱՐԱՆԻ ՕՐԱԿԱՐԳՈՒՄ

Վրաստանի նախագահ Սալոմե Ջուրաբիշվիլու նկատմամբ իմփիզմենտի հարցը գրանցվել է Սահմանադրական դատարանում եւ քննարկվում է առայժմ կողմից:

«Սահմանադրական դիմումի հեղինակները, 2023 թ. սեպտեմբերի 12-ին, դիմել են Սահմանադրական դատարան անցնելով սահմանադրական դիմումի գրանցման ընթացակարգերը. սեպտեմբերի 14-ին հարցումը գրանցվել է օրենսդրությանը համապատասխան: Գործը փոխանցվել է Սահմանադրական դատարան»:

Նի պլենումի դիտարկմանը, որն այն կքննարկել եւ մեկ ամսվա ընթացքում եզրակացությունը կներկայացնի խորհրդարան», - հաղորդել է Սահմանադրական դատարանի նախընթացախոսը:
Հիշեցնենք, որ սեպտեմբերի 1-ին Վրաստանի իշխող կուսակցությունը հայտարարել էր նախագահի նկատմամբ իմփիզմենտի ընթացակարգ սկսելու մասին: Պատճառը դարձել է այն, որ Ջուրաբիշվիլին, չնայած կառավարության մերժմանը, մեկնել էր Եվրոպա՝ ԵՄ երկրների դեկադարների հետ հանդիպելու: Այսպիսով, Ջուրաբիշվիլին խախտել է Սահմանադրությունը, որի համաձայն՝ նախագահը կարող է արտաքին քաղաքականության մեջ ներկայացուցչական գործառնություններ իրականացնել միայն նախարարների կաբինետի համաձայնությամբ:

ՏԱՐԱԾՆԵՐՉԱՆ

ԱՏԱԼԵՎԱԹԻ. ԵՆԹԱԿԱՌՈՒՅՑԱՅԻՆ ՆԱԽԱԳԾԵՐԻ ԻՐԱԿԱՆԱՅՈՒՄԸ ԱՎՏԻՎ ԸՆԹԱՅԻՒՄԵՆ ԵՒ

Ախալքալաքի մունիցիպալիտետում ակտիվ առաջ է տարվում ենթակառուցային նախագծերի իրականացումը:

Մասնավորապես, Մարտունի գյուղ տանող մուտքի ճանապարհի, Փարվանա գետի խաչմերուկում, շարունակվում են ավտոմոբիլային կամրջի շինարարական աշխատանքները: Ենթակառուցվածքի ծրագրի համար միջոցներ են հատկացվել տեղական բյուջեներից՝ նախագծի պայմանագրային արժեքը կազմում է 708 925 լարի:

Մունիցիպալիտետում ավարտվել են Աբուլ-Կարտիկյան ճանապարհի վերանորոգման աշխատանքները: Տարածաշրջանային զարգացման հիմնադրամի եւ տեղական բյուջեի կողմից ֆինանսավորվող այդ նախագծի արժեքը կազմում է 1 165 024 լարի: Սեկնարկել են Խավեթ-Դավնիա-Էրինջա ճանապարհի բետոնապատման աշխատանքները: Կառուցվող ճանապարհի ընդհանուր երկարությունը 5 կմ 500 մ է, որի ընդհանուր արժեքը կազմում է 2 մլն 619 հազար 220 լարի:

Միայն այս տարի Ախալքալաքի մունիցիպալիտետի Խավեթ-Դավնիա-Էրինջա գյուղերի ճանապարհների բետոնապատման համար հատկացվել է 500 հազար լարի, որից 200 հազարը հատկացրել է բարձրլեռնային հիմնադրամը, իսկ 300 հազարը՝ տեղական բյուջեն:

Ախալքալաքի քաղաքապետարանի տարածքով շարունակվում են մինի մարզադաշտերի կազմակերպման աշխատանքները: Սպորտային ենթակառուցվածքների բարելավման եւ առողջ ապրելակերպի հաստատման նպատակով, քաղաքապետ Մելքոն Մակարյանի նախաձեռնությամբ, վարչական միավորներում ակտիվ ընթացում են մինի մարզադաշտերի եւ մարզադահլիճների կառուցման աշխատանքները:

ՄԱՌՆԵՈՒԻ. ԱՌԱՅԻՆ ԱՆԳԱՄ ՆԵՎԵՅ ԲԱՂԱԹԻ ՕՐԸ



Սեպտեմբերի 17-ին, առաջին անգամ, նշվեց Մառնեուլի քաղաքի նվիրված «Մառնեուլոբա 2023» տոնը:

Տոնի առիթով, քաղաքի Կենտրոնական այգում, բացվեցին Մառնեուլի մունիցիպալիտետի 18 համայնքի տաղավարներ, որտեղ յուրաքանչյուր համայնք ներկայացնում էր իրեն բնորոշ ավանդույթները, մշակույթը, երաժշտությունը:

Վրաց-հայկական սահմանի գտնվող հայերով ու աղբյուրներից բնակեցված Խոժոռնի գյուղի համրակրթական դպրոցի «Վրացերենը՝ որպես երկրորդ լեզու» առարկայի ավագ ուսուցչուհի Նարինե Ասատրյանը, իր աշխատակիցների եւ համագյուղացիների հետ միասին, ներկայացրեց հայկական տաղավարը:

Հայաբնակ Աղբյուրի գյուղը ներկայացրեց վրացական մշակույթի մինչ օրս գյուղում պահպանվող բազմաթիվ հնամենի թղթեր: Աղբյուրի համրակրթական դպրոցի «Վրացերենը՝ որպես երկրորդ լեզու» առարկայի ավագ ուսուցչուհի Նարինե Ասատրյանը ընդգծեց՝ տոնը նշելը կարևոր է, քանի որ Մառնեուլի մունիցիպալիտետում բնակվող ազգերը կարողանում են միմյանց ցույց տալ իրենց յուրօրինակ մշակույթը:
Ներկաների գնահատականին իր ձեռագործ իրերն էր ներկայացրել Աղբյուրի գյուղից Թիլիսիի Իվանե Ջավախիշվիլու անվան պետական համալսարանի առաջին

կուրսի ուսանողուհի, 19-ամյա Լիանա Վարդույանը: Նրա աշխատանքները նաեւ վաճառքի էին դրված:
Տոնին ներկա էր Քվեմ Բարթիլի տարածաշրջանի նահանգապետ Գորգի Դոխտուրիշվիլին, Մառնեուլիի քաղաքապետ Քենան Օմարովը, Մառնեուլիի եւ Գարդաբանիի մեծամասնական պատգամավոր Ջաուր Դարգալին, Մառնեուլիի սակրեբուլոյի նախագահ Ամիրան Գիրգաձեն եւ այլք:
Տոնի կազմակերպման համար Մառնեուլիի քաղաքապետարանը ծախսել է 161 հազար 750 լարի:

ՎԵՐԱՆՈՐԳՎՈՒՄ ԵՒ ՍԱԴԱՒԵԼՈՒԹՅՈՒՆ ԻՆՏԵԼ-ՕՓՐԵԹ-ՉԱՆԱՄԻՉ-ԱՂԵՅՈՐԾԻ-ՎՐԱՅ-ՀԱՅԿԱԿԱՆ ՍԱՀՄԱՆ ՏԱՆՈՂ ՇԱՆԱԿՐԻԿ

Ակտիվորեն շարունակվում են հանրապետական նշանակության Սադախու-Օժի-Խոխմել-Օփրեթ-Չանախի-Աղբյուրի-Վրաց-հայկական սահման տանող ավտոճանապարհի 8,6 կմ երկարությամբ հատվածի վերականգնման աշխատանքները:

Վրաստանի ավտոճանապարհների դեպարտամենտի տեղեկատվությամբ՝ վերականգնողական հատվածը գտնվում է Մառնեուլի մունիցիպալիտետի տարածքում եւ հասնում է Հայաստանի սահման: Ծրագրի առաջին փուլով կարգավորվել է Սադախու-Օժի ճանապարհահատվածը, երկրորդում փուլում տարվում են աշխատանքներ՝ Օժի-Խոխմել-Օփրեթ-Չանախի-Աղբյուրի ճանապարհին, իսկ երրորդ փուլում կկարգավորվի Աղբյուրի-Վրաց-հայկական սահման տանող ճանապարհը:

Ծրագիրը ֆինանսավորվում է պետական բյուջեից եւ կազմում է 6 մլն 655 հազար 986 լարի: Աշխատանքները նախատեսում են ավարտել մինչև տարեվերջ, թեպետ այդ ճանապարհի շինարարությունը պետք է ավարտվի դեռևս այս տարվա մարտին, սակայն անհայտ պատճառներով ձգձգվեց:
Էջը պատրաստեց ԱՐԵՎԻԿԱ ԱՆՆՈՒԿՅԱՆԸ

ՎՐԱՍՏԱՆԻ ՊԵՏԱԿԱՆ ԱՆԿՏԱՆԳՈՒԹՅԱՆ ԾԱՌԱՅՈՒԹՅԱՆ ՀԱՅՏԱՐԱՐՈՒԹՅՈՒՆ

ԵՐԿՐԻ ՏԱՐԱԾՔՈՒՄ ԵՎ ՆՐԱ ՍԱՀՄԱՆՆԵՐԻՑ ԴՈՒՐՍ ԳՈՐԾՈՂ ԱՆՁԱՆՑ ԽՈՒՄԲԸ ԾՐԱԳՐՈՒՄ Է ԻՇԽԱՆՈՒԹՅԱՆ ԲՈՒՆԻ ՓՈՓՈԽՈՒԹՅՈՒՆ

(Սկիզբը՝ 1-ին էջում)

ղարքացիական անկարգություններ, վերջնական նպատակը բռնության միջոցով իշխանություն փոխելն է:

Որպես կործանարար գործընթացների մեկնարկի ժամկետ ընտրվել է ընթացիկ տարվա հոկտեմբեր-դեկտեմբեր ժամանակահատվածը, երբ պետք է հրապարակվի Եվրահանձնաժողովի միջանկյալ եւ Եվրամիության վերջնական զեկույցը: Պետական իշխանությունը տապալելու պատրաստ դավադիրների ակնկալիքը հաշվարկվում է նրանով, որ հրապարակված եզրակացությունը բացասական է լինելու, ինչը, իրենց տրամադրության տակ գտնվող տեղեկատվական ցանցերի կողմից իշխանությանը արհեստականորեն կցված «ռուսամենտուրա» կարգախոսով, կստեղծի պարարտ հող հանրային եւ հետագա անկարգությունների համար:

Նշված պլանի հեղինակներից են Վրաստանի ներքին գործերի նախկին նախարար Վանո Մերաբիշվիլու տեղակալ, ներկայումս Ուկրաինայի ռազմական հետախուզության ղեկավարի տեղակալ Գիորգի Լորքբիփանիձեն եւ նրա ենթակայության տակ գտնվող վրացական ծագումով անձինք, այդ թվում՝ երրորդ նախագահի նախկին թիկնազոր Սիխայիլ Բատուրիձե, ինչպես նաեւ Սաակաշվիլու մերձավոր շրջապատի անդամ, Ուկրաինայում գործող «Վրացական լեգեոնի» հրամանատար Մամուկա Մամուկաշվիլին: Հարկ է ընդգծել, որ նշված պլանը նախատեսվում է իրականացնել՝ արտասահմանյան երկրների համակարգմամբ եւ ֆինանսական աջակցությամբ:

Հաստատված է ճշտված տեղեկությունների համաձայն Գիորգի Լորքբիփանիձեի ծրագրի իրականացման

համար, կօգտագործվի Ուկրաինայում կռվող վրացական ծագումով բավական մեծ խումբ եւ շահագրգիռ կողմերի ազդեցության տակ գտնվող վրացի երիտասարդության մի մասի մշակած պլանը, որոնց վերապատրաստումն անցկացվում է լեւ-ուկրաինական պետական սահմանի մոտ: Հեղափոխական սցենարի օգտագործելու համար, երիտասարդական խմբեր նախապատրաստելու համար օգտագործվում է «Կանվաս» կազմակերպությունը, որի առանցքը «Օտփոդ» կազմակերպությունն է: Հենց այս կազմակերպություններն են ակտիվ մասնակցություն ունեցել Սերբիայում անցյալում զարգացած հեղափոխական գործընթացներին եւ, հետեւաբար, պարբերաբար օգտագործվում են տարբեր երկրներում երիտասարդներին պատրաստելու եւ կործանարար գործընթացներում ներգրավելու համար:

Նշված անձանց կողմից քննարկվում են իրադարձությունների զարգացման մի քանի սցենարներ, որոնք ներառում են, այսպես կոչված, վրանային քաղաք հիմնելը, Վրաստանի կենտրոնական պողոտաների ու ռազմավարական օբյեկտների մոտ բարիկադներ կանգնեցնելը, կառավարական շենքերի կալանավորումն ու բարիկադավորումը, ինչպես նաեւ այլ անօրինական գործողություններ, պարունակում են ծանր սադրանքի տարրեր: Մասնավորապես, հաստատվում է, որ կազմակերպիչները դիտարկում են Վրաստանում 2014 թվականին Ուկրաինայում անցկացված «Եվրամայդանի» մտանք սցենարի իրականացման հնարավորություն Վրաստանում:

Հայտնի է նաեւ, որ Գիորգի Լորքբիփանիձեի եւ Սիխայիլ Բատուրիձեի կողմից կազմակերպված գործողությունների վայրում, մասնավորապես, այսպես կոչված, վրանների քաղա-

քում, որը հանցավոր գործողությունների կազմակերպիչները մտադիր են պայթեցնել, նախապես ընտրված վրանում պայթուցիկ սարք է տեղադրվելու: Սա, ըստ նրանց հանցավոր ծրագրի, պետք է զոհեր առաջացնի՝ բողոքի ակցիաներին մասնակցող խաղաղ բնակչության եւ իրավապահների շարքերում: Ահաբեկչական գործողության դեպքում ավերիչ ուժերը հույս ունեն, որ իրավապահների եւ ցուցարարների միջեւ տեղի կունենան անկանոն կրակոցներ, ինչը պարարտ հող կստեղծի հետագա քաղաքացիական բախումների համար:

Տեղեկացնում ենք հանրությանը, որ նշված սադրանքները կազմակերպիչների կողմից առաջին անգամ չեն ծրագրվում Վրաստանի դեմ, թեւեւ նախկինում դրանք կանխվել են իրավապահների արդյունավետ ու կանխարգելիչ արծագանքի միջոցով: Հաշվի առնելով ներկայիս բարդ աշխարհաքաղաքական իրավիճակի մարտահրավերները, ի տարբերություն նախորդ դեպքերի, ներկայիս պլանը շատ ավելի բարձր ռիսկային գործոն է ներկայացնում, որը սպառնում է երկրի անվտանգությանը, ինչպես նաեւ՝ Վրաստանի սովորական բնակչության կյանքին, բարեկեցությանը եւ առողջությանը:

Նշված ռիսկերը չեզոքացնելու նպատակով՝ Պետական պաշտպանության ծառայությունը, համաձայնեցնելով իրավասու այլ գերատեսչությունների հետ, իրականացնում է կիրակաւացնի բոլոր անհրաժեշտ կանխարգելիչ միջոցները: Նաեւ լրացուցիչ օպերատիվ տեղեկատվություն ստանալու համար նշված հարցով ծառայությունը դիմում է գործընկեր երկրների համապատասխան գերատեսչություններին»,- նշված է ՊԱԾ-ի տեղեկատվության մեջ:

ԱՊԱԿԱՅՈՒՆԱՑՄԱՆ ՎՏԱՆԳԸ ԻՐԱՏԵՍԱԿԱՆ Է

Մեկնաբանելով պետական անվտանգության ծառայության հայտարարությունը՝ Վրաստանի խորհրդարանի նախագահ Շավվա Պապուաշվիլին նշեց, որ արդեն որերորդ անգամ է, ինչ ազգությամբ վրացի, սակայն հոգով եւ սրտով ոչ վրացի Գիա Լորքբիփանիձեն խառնված է եղել Վրաստանի դեմ դավադրության կազմակերպմանը: Խորհրդարանի նախագահը նշեց նաեւ, ցավոք, առանձին ընդդիմադիրներ կասկածով ընդունեցին իրենց երկրի անվտանգության ծառայության հայտարարությունը եւ ավելի շատ վստահում են օտարերկրացիներին:



Վրաստանի խորհրդարանի պատգամավոր Սոգրա Սուբարին հուսով է, որ անվտանգության ծառայությունն ավելի շատ տեղեկատվություն կկարողանա ձեռք բերել հնարավոր ապակայունացման վերաբերյալ:



Նրա խոսքով, ցավոք, շարունակվում են երկրում ապակայունացման փորձերը եւ առավել ցավալի է, երբ երկրի ներսում կան ուժեր, որոնք պաշտպանում են նրանց:

Վրաստանի խորհրդարանի մարդու իրավունքների կոմիտեի նախագահ Սիխեիլ Սարգվելաձեի խոսքով՝ ժամանակին Սիխեիլ Սաակաշվիլին Վրաստան մուտք գործեց հենց այդ նպատակով: Նրա խոսքով՝ ներկայումս լայնածավալ քարոզարշավ է տարվում ժամանակի ընթացքում մշակված սցենարների իրականացման հող նախապատրաստելու ուղղությամբ:



Պատրաստեց ՅՈՒՐԻ ԽՈՐԵՆՅԱՆԸ

ՀԱՄԱՀԱՅԿԱԿԱՆ ԽԱՂԵՐԻ ՄԵՐ ՄԵՂԱԼԱԿԻՐՆԵՐԸ

ՀԱՄԱՀԱՅԿԱԿԱՆ ԽԱՂԵՐԻ ԵՐԿԱԿԻ, ՎՐԱՍՏԱՆԻ ՎԵՃԱԿԻ ՄԵՐ ԶԵՄՊԻՈՆՈՒՀԻ ՄԱՐԻԱ ԽԱԶԱՏՐՅԱՆԸ

«Վրաստանը» շարունակում է պատմել Համահայկական 8-րդ խաղերի մեր մեդալակիրների մասին: Այս անգամ ընթերցողների ուշադրությանն ենք ներկայացնում մանկուց շատերին ծանոթ, սակայն նվազ ժողովրդականացված՝ փետրագնդակի մարզաձևից Համահայկական խաղերին թիվիսյան թիմի գանձարկղը տարբեր արժողության հինգ (մեկ ոսկե, մեկ արծաթե եւ երեք բրոնզե) մեդալներով համալրած մարզիկներին: Համահայկական խաղերի մրցանակակիրներ դարձան Մարիա Խաչատրյանը՝ ոսկե մեդալ, Մարիանա Հովասապիյանը՝ արծաթե մեդալ, Իսկ Էլիզաբեթ Ջումբուլիձեն եւ Լուկա Նիժնշվիլին՝ բրոնզե մեդալակիրներ: Նրանք բոլորը ներկայացնում են Թբիլիսիի փետրագնդակի մարզական ակումբ եւ հանդիսանում են թիմի երկարամյա մարզիչ, նախկինում Վրաստանի բազմակի չեմպիոն՝ Սվետլանա (Սոնյա) Վարդանյանի սաները:

Ձեր ուշադրությանն ենք ներկայացնում Համահայկական խաղերի փետրագնդակի զուգախաղի ոսկե եւ մեծնախաղի արծաթե մեդալակիր Մարիա Խաչատրյանի հետ հարցազրույցը:

- Մարիա, «Վրաստան» թերթի ընթերցողներին, հակիրճ, պատմեք ձեր մասին:

- Քսան տարեկան եմ, ծնվել ու մեծացել եմ Թբիլիսիում: Մայրս ժամանակին բուժքույր էր, հիմա՝ տան տնտեսուհի, հայրս՝ մայրաքաղաքի Հայկական Ավետարանչական եկեղեցու հովիվ է:

Ոսկե մեդալով ավարտել եմ Թբիլիսիի Հավաքար թաղամասում գտնվող թիվ 98 հանրային դպրոցը: Այսօր Մոսկվայի Պլեխանովի անվան պետական տնտեսագիտական համալսարանի երրորդ կուրսի ուսանողուհի եմ:

- Ե՞րբ սկսեցիք զբաղվել սպորտով եւ ինչո՞ւ ընտրեցիք փետրագնդակը:

- 2011 թվականին, ութ տարեկան էի, երբ հայրս բերեց փետրագնդակի մարզադասարան: Խաղը ինձ դուր եկավ եւ դրանից հետո, ուսման հետ կապված, կարճատեւ ընդմիջումներով, զբաղվում եմ այդ մարզաձևով, իմ անփոխարինելի մարզիչ՝ Սոնյա Վարդանյանի մոտ:

- Այս տարիներին ի՞նչ հաջողությունների եք հասել փետրագնդակի մրցաշարերում:

- 2013 թվականից մասնակցել եմ միջազգային, այդ թվում՝ Եվրոպական շատ մրցաշարերի, զբաղեցրել եմ մրցանակային տեղեր: Իմ առաջին մեդալը ստացել եմ 2015 թվականին՝ Սերբիայում: 2016 թվականին, Վրաստանի հավաքականի կազմում՝ Իսպանայում, իսկ 2017 թվականին՝ Ինդոնեզիայում, մասնակցել եմ աշխարհի առաջնությանը: 2017 թվականին, հարազատ թիվ 98 հանրային դպրոցի թիմով, հաղթեցի Վրաստանի դպրո-

ցական օլիմպիադայում, նվաճեցի Ֆրանսիայում անցկացվելիք Երոպայի դպրոցական օլիմպիադայի ուղեգիրը, որտեղ զբաղեցրի 4-րդ տեղը: Վրաստանի վեցակի չեմպիոն եմ ինչպես մենախաղերում, այնպես էլ՝ զուգախաղերում: Վրաստանում անցկացված բոլոր մակարդակների մրցաշարերում արժանացել եմ չեմպիոնի կամ մրցանակակրի կոչման:

- Ի՞նչ են ձեզ համար Համահայկական խաղերը:

- Դեռ սկսնակ մարզուհի էի, երբ հայտնվեցի Համահայկական խաղերում եւ միշտ երազել եմ այդ խաղերին հասնել բարձր արդյունքների: Առաջին անգամ խաղերում՝ մենախաղում եւ խառն զուգախաղում չեմպիոնի կոչումը նվաճեցի 2018 թվականին՝ Ավստրիայի մայրաքաղաք Վիեննայում անցկացված Եվրոպական խաղերում:

Հետո, 2019 թվականին առաջին անգամ պատվանդանի վերին աստիճանին բարձրացա՝ Համահայկական 7-րդ խաղերի զուգախաղում հաղթելու համար: Հիմա՝ 2023 թվականին, 8-րդ խաղերի մենախաղում նվաճեցի արծաթե, իսկ զուգախաղում ոսկե մեդալ:

- Առաջիկայի ի՞նչ ծրագրեր ունեք:

- Կավարտեմ բարձրագույնը, կվերադառնամ Վրաստան: Երազում եմ գտնել հետաքրքիր աշխատանք եւ, վերջապես, Համահայկական խաղերի մենախաղում նվաճել ոսկե մեդալ: Հենց դրա համար շարունակում եմ զբաղվել փետրագնդակով, մարզվում եմ համալսարա-



Մարիա Խաչատրյանն իր մարզիչ՝ Սոնյա Վարդանյանի հետ

նում, իսկ երբ լինում եմ Թբիլիսիում՝ պարապում եմ իմ մարզիչ Սոնյա Վարդանյանի մոտ:

- Մաղթում ենք հաջողություն:

Հարցազրույցը վարեց ՎԱԼԵՐԻ ՀՈՒՆԱՆՅԱՆՑԸ Սեր հասուկ թղթակից